

駁  
四  
書  
改  
錯

駁毛西河四書改錯卷十四

婺源戴大昌

引書類

此類如不得罪于巨室違伯王  
改過揚子按一毛俱無緊要

堯典

集注虞書篇名今此文乃在子  
舜典蓋古書二篇合爲一耳

毛氏曰此亦錯者。據伏生尚書原祇堯典一篇。以舜典亡其半。而其半卽潤合之堯典之中。故東晉梅賾獻尚書孔傳亦無舜典。至齊姚方興得古文曰。若稽古帝舜。二十八字于大杭頭。始攙入于慎微五典之上。分作二典。而篇亂矣。二典分于二十有八載。帝乃殂落。一節。已前是堯典。已後是舜典。况孟子所引二十八載。則正堯典分界處。是二典古文原是二

篇金非古合爲一。如注所云也。朱氏于孔壁古文悉指爲僞書焉。辨分合。

大昌按毛氏欲以二十八載帝乃殂落節已上爲堯典。已下

爲舜典。未始不可。趙氏雲茲該餘但議朱注言古書二篇合

爲一之錯則不然矣。按陸德明釋文謂梅賾上古文尚書亡

舜典一篇。購不能得。乃取王肅注堯典從慎微五典以下分

爲舜典以續之。此二典之所由分也。又齊建武中姚方興得

曰若稽古二十八字于大杭頭。因造孔傳舜典一篇。梁武帝

時博士議曰。孔序稱伏生誤合舜典于堯典。然首有曰若稽

古帝舜云云。伏生雖昏耄。何容合之。則仍疑其說也。蓋孔壁真古文。今雖不可見。而伏生口授。今文則仍秦以前未焚之書。其書但有堯典而無舜典。顧亭林謂古堯典舜典本合爲一篇。故月正元日。格于文祖之後。而四岳之咨。必稱舜曰者。以別于上文之帝也。至命禹。始稱帝曰。開簪之辭。已明則無嫌也。閻百詩亦謂本是一篇。而兼叙堯舜事。全無別有舜典。卽毛氏欲從帝乃殂落。飾分爲二典。亦非古有是本則朱注謂古書二篇合爲一。何不可乎。

東晉梅賾所上古文尚書增多二十五篇。自吳才老朱晦庵

吳草廬歸熙甫羅敦仁輩皆疑其偽。各有駁正。至近時閩百  
詩尚書古文疏證。惠定宇尚書古文放其辨。梅氏偽撰毫髮  
無遺。而毛氏特作古文冤詞。辨其非偽。與人立異如此。

### 神農之言

集注神農炎帝教民稼穡者也。爲其言者史遷所謂農家者流也。

毛氏曰神農之言。則豈是農家者流。管子有神農數。文子所  
引有神農法。故漢藝文志有神農二十篇。實有其書。若呂氏  
春秋引其言云。士有當年而不耕者。則天下或受其饑矣。女  
有當年而不織者。則天下或受其寒矣。是故身親耕。妻親織。  
所以教民之利也。此則神農之言可據者。

大昌按孔子刪書斷自唐虞。先儒謂唐虞以前文籍必少。或簡編殘脫。有不足存。非故刪之也。且蒼頡始造文字。司馬遷班固韋誕宋忠傳元等。並云蒼頡乃黃帝之史官。尚在伏羲神農之後。故伏羲畫卦。未有文字。繫詞言神農氏沒。黃帝堯舜舜氏作。其下蓋取諸乾坤至。蓋取諸夬九事。皆爲黃帝堯舜始造。則所謂聖人易之以書契者。固非指羲農。故緯書言三皇無文。殆有文字之後。始追錄三皇之事。據此則安得有神農之言哉。雖後世說蒼頡者。亦或有異。如徐整云。蒼頡在神農黃帝之世。譙周云。在炎帝之世。然總之神農之言。乃程子

所謂後世稱述上古之事。猶陰陽醫方。稱黃帝之說也。毛氏以爲呂氏春秋等書所述。則神農之言之可據者。已屬過矣。況朱注云。神農教民稼穡者也。爲其言者。史遷所謂農家者流。爾農家者。流自指許行爲其言者。以其願爲之氓。捆屨織席故也。金非直指神農氏。毛氏何沒分曉。

據書類

學文

集注文謂詩書六藝之文

毛氏曰。宋人不識六藝。祇據周官以禮樂射御書數六物當之。不知此非六藝。乃晚周官禮者一家之言耳。按古有六藝。

取先聖經文定之爲六。卽孔子經解有詩教書教易教禮教樂教春秋教。淮南泰族訓云。六藝異科而同道。經解六教是也。六教所解其文甚夥。劉向校其簡編。令其子歆輯成之名六藝畧。自鄭康成偏袒周官。凡于少儀學記中藝字皆註作周官藝物之藝。而徐幹作藝記亦實以六物。宋人無學。知彼不知此矣。朱注旣注詩書又注六藝。其爲古六藝耶。今六藝耶。

大昌按以六經亦名六藝。固自可通。但不若周禮本文之確。而毛氏以周禮所言者非六藝。則過矣。大司徒以鄉三物教



萬民明云三日六藝禮樂射御書數。鄉三物一曰六德二曰六行三曰六藝。毛氏謂六物又保氏云乃教之六藝一曰五禮二曰六樂三曰五射。亦誤。四曰五御五曰六書六曰九數。康成于五禮九數等皆一一疏解之。卽述而篇游于藝邢疏亦舉此釋之。蓋惟指此六藝故可曰游於藝。又曰德成而上藝成而下。朱注于此節學文兼舉詩書六藝固無錯也。且毛氏此編據周禮以伸已說者多矣。至朱注凡有依用周禮者。毛氏則曰周官是戰國人所爲。是晚周人之書而講六藝則必以禮記之經解爲可據。豈通論乎。孔子世家于達巷黨人章末載牢日子云。吾不試故藝。可知聖門亦以射御爲藝。

五達道

章句達道即書所謂五倫孟子所謂父子有親君臣有義夫婦有別長幼有序朋友有信是也

大昌按朱

注倫作典

毛氏曰五達道。全非五倫。自此一錯據。而溥天之下。耆老幼小。但知達道五者。爲五倫。而不知三代以前。有真五倫。亦一笑話。嘗讀孔安國注虞書。慎徽五典。曰五典者五常之教。父義母慈。兄友弟恭。子孝是也。至五品不遜。正義謂五品即父母兄弟子五者。敬敷五教。正義謂五教即教之義。慈友恭孝五者。即臯陶謨勅我五典。君牙宏敷五典。註皆如此。惟孟子所言。以戰國人所傳倫類異名。推記契教。此不必合一者。且

是人倫。非五倫。是長幼有序。金非兄弟。從來長幼乃以官府僚友鄉黨齒序爲言也。是以漢唐儒者。金不知有五達道爲五倫之說。而朱注。泗兩爲一。移甲作癸。從此五百年來。直混沌別出一世界矣。如謂名目小事。無關得失。朱後不識五倫。而君臣父子不絕于世。則始皇焚書。世何嘗竟絕五倫。而千古恨之者。正以此名目所關者大也。

大昌按此大可怪者。按今監本及各本朱子此節章句。俱是卽書所謂五典。金不是倫字。毛氏引之。則作五倫。因以自此一錯。朱以後便不知三代前有眞五倫。是一笑話。其實五典

周五倫也。毛氏但據僞孔傳以五典爲父義母慈兄友弟恭。子孝五者。全無君臣夫婦朋友在內。殊不知虞瞽舜命契。明云汝作司徒。敬敷五教。而孟子亦曰使契爲司徒。教以人倫。父子有親。君臣有義。夫婦有別。長幼有序。朋友有信。固卽所謂五教也。中庸此節。又明以君臣父子夫婦昆弟朋友爲五達道。正相印合。夫書曰五典。而中庸曰五達道。猶書旣曰五典。又曰五品。又曰五教。名異而實同也。朱注以虞書五典與孟子所言父子有親五句釋五達道。固無錯矣。豈孟子所言者。反不如僞孔傳之可信乎。若正義第依孔傳說。乃疏家之

體固不足據也。毛氏乃以孟子所言係戰國人所傳倫類異名。因攻朱注并議孟子乃又以長幼有序句爲指官府僚友鄉黨齒序。並非兄弟。然則孟子竟亦不知三代前有眞五倫。而所言教以人倫。祇有父子二者。不惟無君臣夫婦朋友。亦尚闕母兄弟三倫。其說尤屬可怪矣。况朱注以書五典與孟子所言釋五達道有何不是。毛氏何至訾爲自宋五百年來混沌別出一世界。比諸始皇焚書。千古恨之乎。

關雎之亂

集注亂者樂之卒章也。史記關雎之亂以爲風始。

毛氏曰關雎之亂。漢時原有二說。一是理亂之亂。謂鄭衛音。

作正樂皆廢師摯能肯定關雎一詩。因其亂而爲理之。此鄭康成說也。一是刺亂之亂。魯申公說詩。謂關雎本幽厲昏亂。衽席無度。原是刺詩。而孔子輯爲風始。與鹿鳴文王清廟合爲四始。則是衽席缺失。幽厲亂也。而詩始之。此史記說也。朱注但見史記有關雎之亂。以爲風始。而不讀前文。遂至與已說相悖。已踈極矣。前儒謂燕禮鄉飲酒禮皆有工歌笙入間歌諸節。而以合樂篇爲一備。備者成也。遂疑此是關雎之亂。攷工歌間歌各有三終。俱自爲首訖。未有前樂以後樂之詩。作終章者。况二南六章。關雎在首。不在卒也。按古樂歌詩必

前衍後促。樂府所云前爲艷。後爲趨者。故春秋傳以商頌那詩爲商樂之首。凡二十二句。分作五章。而以末一章六句爲輯之之亂。輯者促也。聲轉也。若周樂大武祇七句。亦分作四章。以末句者定爾功四字爲一章。閔馬父之言可考也。今關雎一詩。當分五章。以末四句爲樂之卒章。謂之關雎之亂。此似可據者。但不知何時何所祇奏此一詩。則未易解也。大昌按毛氏以此句漢時有二解。其一爲康成之說。此則何晏注所用也。其一謂爲史記之說。則大非矣。蓋後漢皇后紀序康王晏朝。關雎作諷。此自是魯詩說。與史記無涉。且亦言

刺康后非謂幽厲已屬不令乃毛氏又以史記謂是刺幽厲昏亂衽席無度今按史記云古詩三千餘篇孔子去其重上采契后稷中述殷周之盛至幽厲之缺始于衽席故曰關雎之亂以爲風始鹿鳴爲小雅始文王爲大雅始清廟爲頌始是史記以此爲四始豈有關雎獨爲刺亂之詩蓋至幽厲之缺句原與上三句相屬而始于衽席則總頂上三句以起下謂殷周之所由盛與幽厲之所由衰皆始于衽席金非專指幽厲之缺也故史記正義釋關雎之亂以爲風始云亂理也言后妃之德風之始也

殷始有妹周始姜嫄及周又有太任太姒邑姜所謂上採契后稷中歷殷



周之盛也。幽有褒姒。所謂幽厲之缺也。蓋以盛衰皆始于衽席。故取關雎以爲風始。金非曰衽席無度也。毛氏改

爲衽席缺失。幽厲亂也。而詩始之。則改頭換面矣。按燕禮

鄉飲酒禮。樂凡四節。始升歌三終。鹿鳴笙入三終。南陔白

歌三終。魚麗由庚嘉魚崇邱南山合樂三終。關雎之三此賈

疏之說。前儒謂合樂者。以堂上堂下歌瑟笙磬金作。卽所謂

關雎之亂。故樂至是乃洋洋盈耳也。今毛氏則不主此解。至

其所自爲說。則云關雎詩當分五章。以末四句爲樂之卒章。

比于樂府所謂後爲趨。此似可據者。又云不知何時何所祇

奏。此一詩終未易解。則其說仍屬惛惚無據也。

書同文

章句文書名 大全文是字形名是字聲

毛氏曰此錯據秋官文而合兩爲一者按文書名三字出自鄭注皆訓作字若謂名是聲則秋官大行人諭書名聽音聲明以教文字與譯言語分作兩事烏得混合

大昌按鄭注名亦訓作字固然矣但文字本有形聲大行人九歲諭書名未有不兼諭以形聲者其又曰聽音聲乃聽其方言土音以核其所諭者合與不合非作兩事也

凱風

集注衛有七子之母不能安其室七子作此以自責也

毛氏曰婦人不安室則其過已大而謂之過小錯矣此係毛

詩說不足據者。舊三家詩說有以此爲母過責子之詩。蓋勞苦劬勞。古凡勞字皆指父母虐子言。如云勞而不怨是也。大抵引詩必相類。惟小弁虐子事關宗社。凱風祇父母不我愛耳。宗社事極大。失愛事極小。虐子雖同而過之大小有異。當怨不當怨。辨在于此。孟子言不可磯者。猶云抵觸不得也。假曰不安室。則母自失節。何抵觸于子。而曰不可磯錯矣。

大昌按毛氏此解。固于孟子本章文義甚有開會而不可磯者。惜其與凱風詩詞不合也。毛氏以古凡勞字皆指父母虐子言。然玩凱風詩言母氏劬勞。母氏勞苦俱指言母自勞。故

曰。劬勞曰勞苦。不得解作虐子也。朱子詩傳衛之淫風流行。母不安其室。皆小序之說。鄭箋亦謂母欲嫁也。蓋但有欲嫁之意。故曰過小孔疏謂母意欲嫁。孝子因自責已無令人不能安母之心。母遂不嫁。据此則是孝子能自責以感悟其母。不同于不可磯此小序所謂美七子能盡其孝道以慰母心。而成其志也。成其志者成母之志節也。

朝聘

拜下

俱見四卷

千乘之國

見十卷

屬無夫里之布

集注周禮宅不毛者有里布民無職事者出夫家之征鄭氏謂不種桑麻者使出

一里二十五家之布民無常業罰之使出一夫百畝之稅一家力役之征也

毛氏曰。本文是夫里之布。夫里俱是布。若謂里是布。夫是役  
粟。則夫字當句不成文矣。考周禮閭師。凡無職者出夫布。布  
泉也。謂一夫之口率泉。卽今丁錢也。載師。凡宅不毛者有里  
布。謂使出一里之口率泉。則不止一家也。一夫一家一里二  
十五家也。但其後凡遇民屋。不問有常職。已種桑麻。而概以  
是取之。故曰民屋當無之。是此無夫里兩布。周官司徒本有  
夫布。里布。顧舍此不引。反引屋粟。夫家之征。以亂之。  
大昌涉毛氏以厘指民屋。以夫布當引閭師。凡無職者之文。  
里布當引載師。宅不毛者之文。謂朱注不當引屋粟。夫家之

征以釋夫布。是固然矣。但鄭注亦有誤。毛氏未之知也。蓋孟子此章上文分說士商旅農。其言農一節。正謂粟米之征。而此節夫布則言力役之征。里布則言布縷之征也。布者泉也。卽錢也。夫布謂閒民爲人傭力。不能赴公旬三日之役。閒師則征其力役之泉。若民廛之人。非閒民。無職。則已有力役之征。豈可復征其夫布乎。里布謂自荒其地。不種桑麻。或爲臺榭。載師則征其地稅。若民廛之地。非不毛。則已有布縷之征。豈可復征其里布乎。是夫指人言里。指地言今。載師但曰宅不毛者。有里布。第指其一家之地。不種桑麻者。征其一家之

地稅。康成謂割之使出一里二十五家之布。豈有是理。今毛氏亦曰里布則不止一家也。一夫一家一里二十五家也。是沿其誤而不知也。

食夫稻衣夫錦

集注禮父母之喪既殯食粥麤衰既塋

菜練冠緣綠要經不除無食稻衣錦之理

毛氏曰此錯據間傳文者。間傳云父母之喪既殯食粥祇言變食而不及衣者。以前始死已有斬衰齊衰之女也。今乃忽增麤衰二字。不知麤衰卽疏衰。春秋以前固無斬衰而但有疏衰耳。及三禮繼起。別有一斬衰而降齊疏爲殺服。且又分

齊疏爲二。謂斬齊父服。疏齊衰母服也。則今所云廬衰。在春秋前爲父母正服。而非變服。在三禮繼起以後。則祇爲母之服。而並非父與母同變之服。今乃增此衰于父母既殯。兩當變除之受服中。可謂禮乎。間傳又云。既廬卒哭。疏食水飲。斬衰三升。受以成布六升。今改既廬爲既葬。以廬與卒哭在葬後也。不知廬與卒哭。本有兩節。自卿大夫以上。則廬亦變服。惟士庶不變。今合爲一節。則但有士庶耳。且斬衰三升。成布六升。今但云成布。則何成布也。至自解說。則曰斬衰三升。如今縗布。吾不知宋時縗布是何物。但間傳又云疏衰四升。



受以成布七升。則斬疏不同名。三四六七不同數。是攤書據文。祇見半行。而于下文則不之及。真可駭也。

問傳期而小祥云云。朱注既依文抄入。乃大全引朱子說。又云。縗淺絳色。夫縗係黃赤色。非絳色也。又云。小祥以緇爲緣。則小祥明云以縗緣。金非緇也。又云。一入爲縗。四入爲緇。惟考工樂羽有五入爲緇。金非四入。且亦是染羽也。

大呂按前文齊疏之服一條。朱注云。齊衣下縫也。不緝曰斬。緝之曰齊。疏。縗也。縗布也。毛氏大議其錯。而毛所自解。則亦云。三年重服。卽祇齊疏一服。而分作齊衰疏衰兩名。以齊

衰必疏布爲之葢齊者。裳下際之名。惟重服則但斬齊其下際而不緝。輕服則緝之。緝名衰。不緝亦名衰。其說仍與朱注相仿。據此則此節朱注云。既殯。蠲衰者亦是包斬衰齊。兩項而言。毛氏乃又議其錯。豈不與前自解者相矛盾乎。至謂朱注係增蠲衰于父母既殯兩當變除之際。故以爲錯。夫服之變除。須在既葬以後。而此方既殯。則服無變除。卽毛氏所言。間傳既殯。祇言變食而不及衣者。以仍係始死。斬衰齊衰之文也。豈又自忘之乎。

毛氏又謂朱注不言虞而改云既葬。夫既葬。迎精而反日中。

而祭之于殯宮則曰虞本同日也。况又有再虞有三虞故但舉既葬而言變除之節耳。其但云受以成布蓋謂變纁衰耳。毛氏議其不明言係何成布豈能瑣瑣注脚乎。又議朱子但言斬衰三升者如今漆布而不及其餘。夫第卽斬衰而明斬衰固無誤于他服也。且所言亦此節集注之所無也。

毛氏又謂纁是黃赤色。以朱子言淺絳爲錯。按士冠禮賈疏云從一染至三染皆謂之淺絳。此朱子所本也。爾雅一染謂三染謂纁諸經不言四入及六入。士冠禮有朱紱之文。鄭云朱則四入與。淮南子云入赤汁則爲朱。若不入赤而入黑則爲紺。

更以此紺入黑則爲緌。是五入爲緌也。紺緌相類。朱子因四入無明文故亦言四入爲緌耳。至朱子謂小祥以緌爲緣則沿孔安國之誤。江氏鄉黨圖考詳言之。但毛氏謂大全所引朱子之說亦皆此節朱注所無也。按爾雅一染爲緌。則毛氏謂緌是黃赤色亦非。

駁毛西河四書改錯卷十五

婺源戴大昌

改經類

瓜祭

集注陸氏曰  
魯論瓜作必

毛氏曰禮玉藻瓜祭上環則瓜祭正禮祭也。故孔氏注作三物之祭。若陸德明釋文此唐儒最陋者而偏引作註錯矣。據其自言魯論作必。今何晏本正魯論。並非必字。又南史顧憲之終制引魯論曰。雖菜羹瓜祭亦非必字。

大昌按瓜祭上圖此邢疏所引以証孔注。今毛氏謂仍當從孔注三物之解。固未始不可。但議陸氏所引魯論瓜作必者。

爲無據竊以一人耳目有限如何曼者豈必諸書盡見若孔  
安國時則羣書猶未盡出安知陸氏所引魯論必無據也孔  
注謂薄物亦祭祭則必敬然月令篇每月所記祭物甚多何  
以獨舉瓜與蔬食菜羹配而爲三况瓜非四時常有之物而  
瓜亦美品不可謂薄則瓜字作必或可信也且朱注此節但  
于音釋中引陸氏說聊備參考亦無斷語凡古注疏或兼載  
兩說存疑者亦多矣毛氏何遽以改經之錯攷朱注乎又毛  
氏于有婦人焉自謂古論語是有殷人焉又何以有古論語  
見十

五十以學易

集注劉忠定自言嘗讀他論加作傳五十

相近而誤分也

是時孔子年

已幾七十矣五十字誤無疑

毛氏曰論語自魯論外但有齊論古論全無他論且此三論

文異者四百餘字今皆無可考安得復有異字爲劉元城所

見錯矣按史世家作假我數年然加假通字非聲近之誤若

五十作卒則字形全不近五以上下相二爲形从二从乂卒

以衣識各見爲形从衣从十謂字形相近此大無理者且朱

氏何以知是年夫子將七十也不過謂夫子贊易在七十前

耳經明曰學易而注乃以贊易當之不知古以六經爲六藝

駁四書改錯

卷十五

二

學之者則自十五入大學。每三年通一學。至三十而五學已立。惟易則無時不學。故四十強仕。五十服官政。至六十則不親學矣。夫子三十五卽游仕齊魯。五十而爲中都宰。未至五十則猶思學易。蓋將假此入官之年。爲窮經之年。惟恐過此之不親學也。

大昌按何注謂易爲盡性至命之書。年五十而知天命。以知命之年讀至命之書。邢疏則不依注說。謂是孔子四十七時也。亦不知何據。其後方潛夫周易時論則以大衍爲解。謂五十者圖書之中生成之數也。近時任翼聖則附其說。謂周公



教人用九用六易之用也。孔子示人以五以十易之本也。此皆直据五十爲解者也。劉忠定言五十作卒以字形有誤。按此與史記世家孔子自言假我數年。若是我於易則彬彬矣。作莫幸之意。語氣正合。故朱注從之。又按王肅詩傳有云。五字又如七。則謂五十當作七十。亦與世家孔子晚而喜易相合。漢書儒林傳亦云孔子晚而好易韋編三絕。今若仍依古注不作字形有誤。則謂五十學易。卽終身學易。猶云舜五十而慕者。終身慕父母也。義亦可通。老氏乃謂古人四十強仕。五十服官政。六十不親學。夫子三十五卽遊仕齊魯。五十而爲中都宰。蓋將假

此入官之年。爲窮經之年。惟恐過此之不觀學也。頗可笑矣。夫子天縱之聖。憤樂相尋。不知老至。原終身孳孳于學。至若爲委吏乘田。則在少年。其仕魯也不過三月。夫子豈果慮仕妨于學。而因發此言乎。且曰六十不觀學。者謂不復能備弟子之禮也。夫子又豈因慮此而汲汲于五十以學易乎。

三月 集注史記三月  
上有學之二字

毛氏曰此史記自爲文何開脫畧而注及此若大全載程子謂三月是音字之誤則音字亦本史記開韶音語然其記下文仍云學之三月則三月與音字各出非形誤矣且亦唐韓

退之說總屬多事

大昌按何晏注。用周氏說。謂聞韶樂之美盛。故忘于肉味也。正與史記學之二字可互證。蓋韶樂在齊。夫子因聞而學。習其音樂。至于三月之久。故心一。于是而不及乎他。如彈琴而遇文王。又如發憤忘食。好學者不求安飽是也。否則偶一聞韶。何遂至于三月而不知肉味乎。史記學之二字。先儒皆謂其有功于經。故朱注第引以解說。毛氏何遂列于改經之錯乎。若謂此史記自爲文。何關脫漏而引及此。然則一部史記之文。將皆不足爲據。何以毛氏此編。所據史記以伸已說。

者。又不一而足乎。至以三月爲音字之誤。則固集注所不載也。

雖少集注少或作坐

毛氏曰四書集注補云。少從無有疑爲坐者。况作則坐可知矣。豈立可作乎。張南士云。古最輕少者。故云爾。

大昌按。少字作坐。則坐必作過。必趨恰與下句相對。成文否。則上三項何獨拈出少者而言乎。古者敬老恤孤。金重何謂。古最輕少者乎。且朱注後載。或曰少當作坐。亦注疏家兼存兩說。參考之義。而其音釋則云。少去聲。仍以少字爲正解。何。

用改錯。

子路曰

集注福州有國初時寫本路下有反子二字以是爲子路反而夫子言之也

毛氏曰舊儒皆云子路留言以語丈人之二子蓋卽夫子使語之也。此在鄭氏後無異說者。况此係後漢勒石唐人鐫版之經文。從無異同。可假以宋人寫本謬亂之乎。

大昌按此節朱注則云子路述夫子之意如此。原用舊解。後載福州國初寫本之說。且云未知是否。亦不過存參耳。但此亦有可言者。蓋丈人旣先行。子路言于其家。則誰得而記之。故鄭氏解作子路與其二子言之。使述諸丈人。然亦是想當。

然語而金無明文也。又吳青壇謂宜移見其二子焉句在至則行矣之下。故子路與之言。然則是錯簡。又須改經。且下文長幼之節不可廢也。原指止宿時。丈人使見二子而言。若此時纔見二子。則長幼之節二語爲無因矣。竊以上章子路見沮溺而還以告。則夫子尚有慨然而歎。而此節卽爲子路與其二子。言似不應回來會無一語及之。故以爲子路反而夫子官之。頗于情事較近。祇是宋人寫本未知何所據耳。

三年學不至于穀

集注穀祿也。至疑當作志。學之久而不志于祿。不易得也。

毛氏曰。孔注穀作善。如洪範既富方穀之穀。今解穀作祿。改

至爲志。無論經有漢時勒石。必不當以疑義改字。况其說有未可通者。古者學至入仕。皆有年限。如云四十始仕。未有三。年稱久。三年當志祿者。但三年不至善。當云不可得。而曰不易得者。曰學務在至善。特至善無難學。卽得之。而阻善之徒。必以爲善匪易事。將有學之久而仍不至者。故夫子反言曰。吾欲得其人而正未易也。

大昌按詩書有稱善爲穀者。若論語諸書。凡于善字則直曰善。從未有言穀者。若解穀作祿。如邦有道穀。邦無道穀是也。若朱注至疑當作志。則以字或同音而誤者多矣。毛氏謂古

人仕學皆有年限。未有三年可稱久。三年當志祿者。不知三年第言歷年之久。自當活看。如三月不違仁。三月亦第言歷時之久也。志于穀者。如子張學干祿。亦非直謂得祿也。毛氏言古人四十強仕。以爲未有三年當志祿者。則泥甚矣。至毛氏解不易得句。須先將阻善之徒。設言一層。已屬無着。因又作夫子反言以折之。大抵反言必有虛字呼喝。如葢有之矣。雖欲勿用。又如仁遠乎哉。方是反言。今直云不易得也。何以見其爲反言乎。今縱不敢謂朱注爲必是。然毛氏之解。則牽強甚矣。



字同音而誤者如擇不處仁擇作宅

張衡賦

可使治其賦賦

作傳

論

古之賢人人作仁

古本

溫而厲厲作例

釋文

有直躬躬

作弓

鄭注

叔夜夜當作液

惠氏九經古義

百畝之糞糞作分

去聲

不

知其仁仁作人再斯可矣斯作思

俱見顧氏金石文字記

又井有仁

焉繫詞何以守位曰仁仁俱當作人未可枚舉

民無德而稱焉

齊景公有馬千駟章

毛氏曰無德而稱舊本原是德字。程子欲加誠不以富亦祇

以異八字于此章之首。而安定胡氏又欲加八字于其斯之

謂與之上。遂改德字爲得字。則何可矣。按正義曰此章貴德

也。齊景公雖有馬千駟。及其死而無德可稱。夷齊雖窮餓。而到今稱之。此所謂以德爲稱者。與自宋儒改作得字。而近代坊本則仍還德字。遂難分辨。况誠不以富。似于千駟有合。若亦祇以異。仍費解。豈夷齊是異。抑異乎景公耶。

大昌按此章何注用王肅曰。此所謂以德爲稱。故邢疏依之。蓋景公夷齊死後。有稱無稱。正以有德與無德之異。故曰亦祇以異也。毛氏謂無德而稱句。仍當遵用德字。自無不可。若謂不當移誠不以富二語于此章。似仍當還之。愛欲其生節。後則未妥適。

仁也者人也。合而言之道也。

集注或曰外國本人也之下有義也者宜也禮也者

履也智也者知也信也者實也凡二十字

毛氏曰此錯增經文。尤宜救正者。孟子自丑代以板本行後。未有他本別出之事。况外國他本偶行中國。必明見史載。豈有孟子別本見南渡後。而其時不載及者。况人不讀書。信口捏造。古無以仁義禮智信分配五行爲五常者也。洪範以五行分配五行。但云肅又哲謀聖。而不及其他。至春秋穆姜筮易明以仁禮義事分解四德。隋時何妥以幹事是信。唐時李鼎祚以幹事是智耳。惟鄭康成注中庸天命之謂性。謂木神。

則仁。金神則義。火神則禮。水神則信。土神則知。始五字合出。  
名爲五常。未知出自何書。頗類後漢緯書。雖或原本古經。而  
白虎通亦載之。孟子時安得有信字。錯極矣。孟子人皆有不  
忍章。以仁義禮智爲四心。口之于味章。以仁義禮智聖爲五  
性。曾及信一字否。且專以信屬五行之土。亦未知起于何時。  
鄭氏以信屬水。以智屬土。乾鑿度亦同之。今欲合五者以厚  
誣孟子。不慮爲識者笑乎。

大昌按此節朱注。祇解人也道也二項。圈外載或曰之說。亦  
云未詳其是否。毛氏則謂錯增經文。急須救正過矣。又以朱

子信口捏造。謂古無以仁義禮智信配五行爲五常者。惟鄭  
康成解中庸。始有金木水火土五字合出。疑其出于後漢緯  
書。則又疎矣。按伏生五行傳曰。貌屬木。言屬金。視屬火。聽屬  
水。思屬土。蔡傳分屬與伏生異。伏生之說。劉向取以說經。楊雄取以草  
元。班固取以作志。久已五者並舉。至于以五行配五常。白虎  
通亦載其說。康成爲漢儒宗。用之以注中庸。且毛氏于十七  
卷。自引道經以仁義禮知信爲五德。見君子信而後勞其民一條。安得以  
信口捏造而訾朱注乎。

毛氏又謂北方水爲信。中央土爲智。而其以信屬五行之土。

亦未知起于何時。竊按白虎通五行篇。其于水。則曰位在北。方陰氣在黃泉之下。任養萬物。水之爲言。淮也。又曰水味所以鹹。是其性也。北方鹹者。五味得鹹乃堅也。又曰北方其臭朽。北方水。萬物所幽藏也。其云土在中央者。主吐食萬物。土之爲言。吐也。又曰土味所以甘。何。中央者。中和也。五味以甘爲主也。又曰中央土。主養故其臭香也。又白虎通性情篇云。五常者何。謂仁義禮智信也。仁者不忍也。義者宜也。禮者履也。智者知也。信者誠也。故人生而應八卦。得五氣以爲常。仁義禮智信是也。又曰五藏。肝仁肺義心禮腎智脾信也。其于

腎脾則云腎所以智者水之精智者進而止無所疑惑水亦進而不惑北方水故腎色黑水陰故腎雙竅脾所以信何脾者土之精也土任養萬物無所私信之至也故脾象土色黃也此與鄭氏水信土智異毛氏豈果未之見而以爲皆出于宋儒信口捏造與

子路共之三嗅而作

集注晁氏曰石經嗅作要謂雉鳴也劉聘君曰嗅當作臭古闕反張

兩翅也見爾雅

毛氏曰此則改經之尤無謂者何晏謂子路共雉作食則嗅字必是嗅字因作三嗅而起此固雅語不足道若集注引晁

以道謂石經嗅作𦘔。雉鳴也。則石經有漢本。魏本。唐本。字畫同。異。金可考驗。未有作𦘔者。且𦘔與嗅字形不類也。若劉聘君謂嗅當作臭。張兩翅也。見爾雅。則臭嗅改字。且張翅非振翅。一張而已。安得有三。總之杜撰立說。罕有是處。先仲兄曰。說經當識字。共者視也。向也。此字書皆載之。惟不識嗅字。明。明有一書。而猜若啞謎。考梁顧野王玉篇。有噪字。在口部。注五教反。呌也。唐孫強修玉篇。又增一噪字。注古教反。呌也。則噪原是呌字。而其形或少一豎。或少一撇。總此噪字。衛恒書勢所謂點畫無常制。是三嗅卽三呌。則子路向視卽是色。雉



叫而作卽是舉也

大昌按毛氏以何注子路共雉作食。雅語不足道。今朱注先

載邢疏之說。

卽注

繼載晁氏劉氏兩說。蓋亦以注說未可信。

故又採二說以備參考耳。按漢魏二代石經。永嘉中劉曜入

洛。已焚毀過半。其後北齊由洛遷鄴。又沒于河。楊升庵謂朱

子注引石經者。乃蜀本也。蜀石經今又豈有存耶。惟唐石經

今仍在。西安府學耳。毛氏乃謂漢本魏本唐本。全可考驗。其

誰欺耶。毛氏謂張翹非振翅一張而已。安得有三夫翹先

張後振。毛氏安知雉之必不三振耶。毛氏又謂顧氏玉篇口

部有噪字。孫氏又增一噪字。俱音呌。是三嗅卽三呌。但毛氏何以自解。則云。或少一豎。或少一撇。書勢所謂點畫無常制。而于朱注所引劉君嗅作臭者。亦不過少一口。則議其杜撰。豈劉君揭爾雅者。獨不如据玉篇耶。至若毛氏解共爲向視。卽朱注云。如後兩說。則共字當爲拱執之義也。讀嗅爲呌。卽朱注所引石經。謂雉鳴也。今講章正作此解。以應色斯舉矣。句固朱注之說也。且朱注末云。此必有闕文。不可強爲之說。姑記所聞。以俟知者。金不敢自是。而毛氏猶議其改經。耶。且毛氏以癰疽爲雍渠。何以又可改經。

改註類

射不主皮

已見

傳不習乎

集注傳謂受之于師習謂熟之于已

毛氏曰舊解是傳于人。今改作受于師。從來無有以傳之一字作受字解者。傳者授也。非受也。如漢書儒林傳。傳業者寢盛是也。今以授于人者而反曰受于人。則詁字先錯矣。況古人論學。但恐教非所習。未有受教恐不習者。若受教不習。則直一游惰廢生。三省何有。正義曰我傳于人。得毋非素所服習者乎。此如董仲舒傳。公羊春秋。其所傳弟子。惟東平竊生。

不乖所傳此明証也。此一傳字。漢唐以來從無別解。與受之師而熟之已何涉。

大昌按傳爲授受如師之于弟子則曰授。弟子之于師則曰受。原可通言。若習字則必指本身言。方與日省吾身有關。會故史記弟子列傳其于曾子則祇載孔子以爲能通孝道。故授之業。作孝經。按此則正指孔子授于曾子可爲此句注脚。卽何晏此注言凡所傳之事得毋素不講習而傳之。其說雖以傳字貼曾子傳于人而解習字仍指曾子本身言。今毛氏但專解傳爲授謂與受之師而熟之已何涉。且以古人論學。

但恐教非所習。未有受教恐不習者。則當改經曰。傳非習乎。是不自知其錯矣。

由也嘑

集注嘑  
粗俗也

毛氏曰嘑字從無粗俗之訓。舊注子路失于吸嘑。玉篇廣韻。皆以嘑作失容解。正義謂子路性行剛強。嘗失禮容。謂之嘑。嘑大抵是書分三對。柴參愚魯是一對。師由辟嘑是一對。同賜屢空貨殖是一對。是辟嘑正謂一修容一失容也。大昌按嘑字本無正解。集韻謂同嘻。又音眼。小笑貌。朱注或以舊注吸嘑二字。義未明顯。故改曰粗俗。蓋謂夫子嘗以野

哉稱之也。邢疏解爲性行剛強。嘗失禮容。毛氏謂與師之辟。一修容一失容相對。則粗俗二字正同此意。

時日易喪

集注 桀嘗自言吾有天下如天之有日。日亡吾乃亡耳。民怨其虐。故因其自言而寧與俱

亡

毛氏曰。桀語他書無考。惟尚書大傳曰。桀言吾之有民如天之有日。必日亡而天乃亡。此以天自指。以日指民。故民卽曰。願與日亡。謂從此可及天耳。此改吾之有民爲吾有天下。則以日自指矣。凡書有改數字而解頓殊者如此。

大昌按此節。趙注本謂湯誓衆士言是日。桀當大喪亡。我與

女俱往亡之。惟孫疏另載一義。謂桀云。天有是日。如吾之有民。日亡。則吾與民亦俱亡矣。此朱注所用也。至尚書大傳述桀之語。裴駟注史記殷本紀曾載之。此又孫疏所本也。然桀言。吾之有民。如天之有日。仍是以日自指。豈非以日指民。其曰有民者。猶云失天下者。失其民也。得其民。斯得天下矣。故朱注改作。吾有天下。自無不可。今毛氏謂桀以天自指。以日指民。故民願與日亡。謂從此可及天。何其費解。且按大傳本是桀言。日亡。則吾亦亡矣。正以日自指。毛氏乃曰。必日亡而天乃亡。改吾爲天。又豈非改字乎。

尚書此節偽孔傳亦云。比桀于日。曰。是日何時喪。我與女皆亡。則知亦是以日指桀。並非指民。

以費解

見十卷

今之學者爲人

集注爲人欲見知于人也

毛氏曰。如此則仍是爲己。何云爲人爲者。助也。孔安國注爲己。履而行之。爲人徒能育之。謂但能言學以助人。而躬行不足。謂之爲人。若范氏云。爲人憑譽以顯物。爲己因心以會道。則以爲人爲表章人物。較遜前說。若云求知于人。何得言爲己。爲人非易事也。徒以助人爲學。稍不顧己。故稱今學。集注



于無爲小人備直曰小人儒爲人則誣坐矣孟子欲去齊而  
留之者曰先名實者爲人後名實者自爲惟名實金具而後  
可爲人否則自私自利獨善其身已耳是爲人者上能匡君  
下能濟民謂之加上下此說經舊文而謂小人儒乎

大昌按此節舊注爲已履而行之爲人徒能言之邢疏此言  
古今之學不同古人則履而行之是爲已今人空能爲人言  
說之已不能行是爲人又載范氏云爲人者濫譽以顯物爲  
已者因心以會道也諸說至爲明暢蓋爲已者履而行之故  
朱注云欲得之于已卽范氏因心以會道也爲人者不能躬

行。徒。厭。其。口。說。以。炫。于。人。故。朱。注。云。欲。見。知。于。人。卽。范。氏。憑。譽。以。顯。物。也。本。自。相。貫。今。毛。氏。務。攻。朱。注。而。解。爲。作。助。且。以。爲。人。非。易。事。謂。不。當。以。小。人。儒。例。之。忽。率。扯。先。名。實。者。爲。人。後。名。實。者。自。爲。因。言。名。實。金。具。而。後。可。爲。人。否。則。徒。能。自。善。其。身。故。爲。人。者。能。上。匡。君。下。濟。民。謂。之。加。上。下。如。毛。氏。之。說。則。爲。人。者。猶。大。勝。于。爲。已。矣。夫。子。竟。愛。今。而。薄。古。矣。毛。氏。謂。此。乃。說。經。舊。文。曾。是。淳。于。髡。無。稽。之。言。而。可。謂。爲。說。經。舊。文。是不。惟。與。前。所。引。注。疏。自。相。刺。謬。不。幾。于。侮。聖。人。之。言。乎。謂  
說。以。爲。人。爲。表。  
章。人。物。亦。非。

諸侯失國而後託于諸侯

集注諸侯出奔他國食其廩餼謂之寄公

毛氏曰舊注諸侯失國而寄託他國謂之寄公亦謂之寓公。然無食他國廩餼者。禮記諸侯不臣寓公。儀禮寄公爲所寓國君制服。然無給廩餼之事。春秋傳黎侯寄衛。衛侯寄齊。皆無此禮。若魯昭寄齊。齊景欲致以書社。子家羈恐其臣齊而辭之。及寄晉。晉侯不禮。致從人殺馬以食。而並無問者。苟有廩餼。子家子將據而爭之矣。此但當注寄公已耳。何得盤盤加以食其廩餼四字。

大昌按毛氏此說。不自知其有三錯矣。上節萬章問士之不

託諸侯何也。趙注云託寄也。謂若寄公食祿于所託之國也。此節孟子答語。趙注謂士位輕。本非諸侯敵體。故不敢比失國諸侯得爲寄公也。據上節趙注本言寄公是食祿于所託之國。故此節朱注云食其廩餼。謂之寄公。原遵用趙注。毛氏此卷自射不主皮以下。皆議朱子改注之錯。乃毛氏此條反自翻舊注以攻朱注。此一錯也。毛氏又謂魯昭公寄齊。齊景欲教書社。子家羈恐其爲臣而辭之。不知子家當時並未嘗辭。但言齊侯無信。欲公早之晉。而公弗從耳。且昭公居鄆。因用不足。使公衍獻龍輔。于齊侯。齊侯喜與之。陽穀。齊則是

仍食齊祿也。況昭公雖出奔，季孫不敢有其國，傳言無義。買馬具從者衣履歸于乾侯。若春秋當時小侯被滅出奔，不可悉數。如州公如曹，邾子無歸其本國已亡，豈復有送衣馬者？焉得不食他國廩餼？毛氏乃言從無給廩餼之事，此二錯也。抑更有說者：孟子言士非寄公可比，故不得託于諸侯。萬章隨問君餽之粟則受之乎？孟子答言君之于氓也，固周之。周則可受，賜之則不受，可知萬章初意原是問孟子不受齊祿。故問士何以不託諸侯而食其祿？孟子因言惟寄公有此禮。在士則爲非禮。若如毛氏說寄公亦無食廩餼之禮，則孟子

答言諸侯失國而後託于諸侯爲贅文矣。毛氏務攻朱注并不顧本章文義此三錯也。

語之而不情

集注顏子聞夫子之言心解力行何有于情此羣弟子所不及也

毛氏曰此又與舊注相反者。舊注云惟顏淵能解故無情語之時。情語謂語者情也。蓋教不欲情故有教不倦之文。然不得。不情故又有先傳後倦之文。若受教者則如曲禮侍坐于長者聽必恭毋怠荒。豈有師語之而可情之理。若謂聖門惟回不情則觀七十子之徒匪人類矣。

大昌按何注去顏淵解故語之而不情餘人不解故有情語

之時注說未甚顯若邢疏則云餘人不能盡解故有懈惰于夫子之語時其語之而不懈惰者惟顏回與是邢疏則明以不惰指顏子朱注正用其說何謂相反也且夫子平日稱顏回不違如愚於吾言無所不說皆指顏子本身說則此美其心解力行正與退省其私亦足以發吾見其進未見其止語意相發明耳毛氏謂受教者聽則必恭豈有可惰之理不知本句言不惰者正所謂請事斯語欲罷不能乃既退之後非指聽言之時也毛氏又謂若獨美回不惰則視七十子匪人類不知夫子對魯君臣嘗曰今也則亡未聞好學者也其言

駁四書改錯卷十五

則更甚矣。

見善如不及

集注真知善惡而誠好惡之善不  
善不着人就自己身上理欲說

毛氏曰明曰見善見不善而改見作知且曰真知已悖誕矣。然且謂已之善惡則未有已善而如不及者。孔安國謂探湯喻藥疾。邢疏謂試熱湯大抵如不及喻恐遠。如探湯喻恐近。若在已身則遠近兩喻俱不通矣。

大昌按何注用孔氏說祇探湯喻去惡疾六字。惟邢疏云見善如不及者言爲善常汲汲也。見不善如探湯者喻見惡事去之疾也。據邢疏曰爲善曰去惡事則善不善未嘗不指已。



身說也。朱注言真知善惡而誠好惡之。亦如大學如惡惡臭。如好好色。夫子言好仁者無以尚。惡不仁者不使不仁者加乎其身也。大抵此節見善如不及。二語兼人與己言。自無不可。若毛氏必議朱注改舊解之錯。則朱注固未與邢疏相背。至善不善不着人云云。亦集注所未載。

不得乎親

集注得者曲爲承順以得其心之悅而已。順則有以諭之于道。尤人所難也。

毛氏曰。不得是不相能。如虐子殺子。類順則悅之矣。卽下文底豫是也。朱注以得爲悅。以順爲諭。親于道。添得支離。將下文底豫亦必添出。烝又允若。大無理矣。孝經以敬事長則順。

毛詩克順克比。比于文王。祓長固難。諭道幾見文王。可諭以  
道者。况諭道何易。順親必諭道。天下尚復有順子乎。  
大昌按。順乎親。卽下文底豫。底豫卽書所謂允若也。允若者。  
謂瞽瞍始欲殺舜。今見舜夔夔齊栗。亦信而順之。此孟子所  
謂父不得而子者也。蓋父亦見化于其子。所以能瞽瞍底豫。  
而天下化。乃毛氏議朱注添出諭親于道一層。爲支離。不知  
孔子言事父母幾諫。見志不從。又敬不違。况瞽瞍旣頑。舜若  
徒然阿意曲從。而不能克諧。烝父豈得爲孝也哉。毛氏又謂  
諭道何易。順親必諭道。天下尚復有順子。不知此章所言者。

原指舜非世俗之孝也。舜之順親若非能諭親于道。下文何以遂曰瞽瞍底豫。而天下之爲父子者定。此之謂大孝。又何。以得爲千古大孝第一人哉。毛氏但攻朱注殆淺之乎。視舜矣。